

Nome do beneficiario	Gasto subvencionable	Subvención concedida	
		Importe (€)	Porcentaxe
Talleres Castmart, S.L.	772,44	540,71	70
Construcciones Fernández Piñeiro e Hijos, S.L.	600,00	420,00	70
Enrique Manuel Rodríguez Barreiro, S.L.	1.000,00	700,00	70
R. Montero Blanco, S.L.	600,00	420,00	70
Cruceros Rías Baixas, S.L.	600,00	420,00	70
O Noso Lar Playa, S.L.	600,00	420,00	70
Mares do Grove, S.L.	600,00	420,00	70
Gallega de Combustibles Sobrino Abalo, S.L.	600,00	420,00	70
Castroman, S.L.	600,00	420,00	70
Francisco Muñiz e Hijos, S.L.	600,00	420,00	70
Gromoble, S.L.	600,00	420,00	70
Producciones Independientes Culturales, S.L.	600,00	420,00	70
Centro de Informática del Noroeste, S.L.	600,00	420,00	70
Enerxía Solar Galega, S.L.	600,00	420,00	70
Calefacciones Ría de Arosa, S.L.	600,00	420,00	70
Ventanas Arousa, S.L.	600,00	420,00	70
Icon Europe, S.L.	5.439,00	3.807,30	70
Bodegas y Viñedos Don Olegario, S.L.	3.134,00	2.193,80	70
Norbike, S.L.	395,00	276,50	70
Mohammad Imran Ur Rafiq	390,00	273,00	70
Galicia Cool Incoming Services, S.L.	334,38	234,07	70
Pablo Gallego Lodeiro	395,00	276,50	70
Pavicasa Pontevedra, S.L.	1.352,44	946,71	70
Lisardo González Abelleira	2.028,38	1.419,87	70
José Luis Bouzas Gómez	746,22	522,35	70
José Fajardo, S.L.	430,00	301,00	70
Grupo Matojoma, S.L.	252,59	176,81	70
Sandra María Fernández Román	500,00	350,00	70
Sistemas Técnicos del Accesorio y Componentes, S.L.	582,56	407,79	70
Amegrove, S. Coop. Galega	3.490,68	2.443,48	70
Rodrigo Arbones Bares, S.L.	2.150,00	1.505,00	70
Mecanizaciones del Aluminio, S.L.	5.703,06	3.992,14	70
Recreativos Portas, S.L.	1.212,49	848,74	70
Xoguetes o Esquito Sabichón Vigo, S.L.	792,00	554,40	70
Secundino Covelo González	967,00	676,90	70
C.A. Gráfica, S.A.	2.808,00	1.965,60	70
Optimar Fodema, S.A.	1.286,00	900,20	70
Hermanos Sánchez Blanco, S.A.	520,44	364,31	70
Lanzal Productos del Mar, S.L.	4.100,00	2.870,00	70
Tecnología Marina Ximo, S.L.	984,00	688,80	70
Jean Marc Van Loo	460,00	322,00	70
Dis Rivas, S.L.	459,72	321,80	70
Asr Tyres, S.L.	587,00	410,90	70
Dazalan, S.L.	368,22	257,75	70
Celia Quiroga Troncoso	513,79	359,65	70
Thenaisie-Pronote, S.A.	3.067,00	2.146,90	70
Eternity Panel, S.L.	1.375,00	962,50	70
Rosa Ana Berruga Toroncher	1.490,00	1.043,00	70
Ahitosa, S.L.	2.174,00	1.521,80	70
Turini Sport, S.L.	1.020,00	714,00	70
V. Calviño Asesores, S.L.	1.631,22	1.141,85	70
Componentes y Sistemas del Noroeste, S.L.	1.631,22	1.141,85	70
Javier Martínez Castro	920,67	644,47	70
Estudio Deza Sete, S.L.	154,38	108,07	70
Innova Profesional, S.L.	154,38	108,07	70
Lancott Confecciones, S.L.	178,73	125,11	70
Centro Proctológico Europeo, S.L.	525,00	367,50	70
Reclamos del Noroeste, S.L.	620,00	434,00	70
Carmen Melero Costume, S.L.	1.372,00	960,40	70
Sálvora Vento, S.L.	441,22	308,85	70
Comasis Consultores, S.L.	640,00	448,00	70
Grupo B.A.P. & Conde, S.A.	3.170,00	2.219,00	70
Valentín Montoto Fernández	390,00	273,00	70
Platax Orfebres, S.L.	1.212,00	848,40	70

## CONSELLERÍA DE EDUCACIÓN E ORDENACIÓN UNIVERSITARIA

*Orde do 3 de maio de 2010 pola que se convocan axudas económicas para o alumnado que realiza formación práctica en centros de traballo.*

O Estatuto de autonomía de Galicia, no seu artigo 31, establece a competencia plena para o regulamento e a administración do ensino en toda a súa extensión, niveis e graos, modalidades e especialidades, no ámbito das súas competencias, sen prexuízo do disposto no artigo 27 da Constitución e nas leis orgánicas que o desenvolven.

A Lei orgánica 2/2006, do 3 de maio (BOE do 4 de maio), de educación, establece nos seus artigos 39 a 44 os principios xerais, obxectivos, contidos, títulos e validacións da formación profesional integrada no sistema educativo español. É concretamente no artigo 42 determina que o currículo das ensinanzas de formación profesional incluírá unha fase de formación práctica nos centros de traballo.

A Lei orgánica 5/2002, do 19 de xuño, das cualificacións e da formación profesional, establece no seu artigo 9 que a formación profesional comprende o conxunto de accións formativas que capacitan para o desempeño cualificado das diversas profesións, o acceso ao emprego e a participación activa na vida social, cultural e económica. Inclúe as ensinanzas propias da formación profesional inicial, as accións de inserción e reinserción laboral dos traballadores, así como as orientadas á formación continua nas empresas, que permitan a adquisición e a actualización permanente das competencias profesionais.

O Real decreto 1538/2006, do 15 de decembro, polo que se establece a ordenación xeral da formación profesional do sistema educativo, dispón no seu artigo 11 que o currículo dos ciclos formativos incluírá un módulo de formación en centros de traballo que non terá carácter laboral.

Polo exposto e considerando que a formación práctica en centros de traballo ten un gran valor didáctico e pedagóxico por achegar o alumnado ao mundo sociolaboral en que se vai desenvolver a súa futura vida profesional, cómpre incluír este programa como unha das accións que hai que promover cara ao cumprimento dos acordos sobre medidas para o crecemento do emprego en Galicia.

A mobilidade transnacional das persoas que desexan formarse ou contribuír a actividades de formación noutros países permite a mellora das competencias sociais dos individuos mediante a aprendizaxe da comunicación e a vida en sociedade, aumenta o respecto á diversidade e fomenta o aumento das competencias lingüísticas e profesionais. A realización, total ou parcial, da formación en centros de traballo noutros países contribúe á adquisición destas competencias.

No ámbito profesional a mobilidade é un medio privilexiado de lograr un espazo de emprego e traballo europeo, xa que lle dá a cada individuo a posibilidade de adquirir coñecementos teóricos, prácticos e de comportamento e, dun xeito máis amplo, com-

petencias e cualificacións adaptadas ao espazo sen fronteiras da Unión Europea.

Tendo en conta a importancia desta formación e coa finalidade de compensar parcialmente os gastos extraordinarios que se producen no desenvolvemento das prácticas formativas en centros de traballo para o alumnado, considerase necesario convocar axudas económicas.

De acordo coas competencias que ten conferidas, esta Consellería de Educación e Ordenación Universitaria

#### DISPÓN:

##### Artigo 1º.-*Obxecto da convocatoria.*

Convocar axudas económicas para a realización da formación práctica en centros de traballo (FCT) en réxime de concorrencia non competitiva, nas seguintes modalidades:

1. Modalidade A. Alumnado matriculado no derradeiro curso de ciclos formativos de grao medio e superior de formación profesional, módulos profesionais experimentais, artes plásticas e deseño, ensinanzas deportivas e programas de cualificación profesional inicial e que realice a FCT dentro do territorio español.

2. Modalidade B. Alumnado matriculado en ciclos formativos de grao medio ou superior de formación profesional inicial ou nun ciclo formativo de artes plásticas e deseño e que realice a FCT en países da Unión Europea.

##### Artigo 2º.-*Requisitos.*

1. Poderá concorrer a esta convocatoria o alumnado matriculado en centros públicos desta comunidade autónoma e, no caso dos centros privados, o alumnado matriculado en ensinanzas concertadas coa Consellería de Educación e Ordenación Universitaria, que estea cursando o derradeiro curso dun ciclo formativo de grao medio ou superior de formación profesional, ciclo formativo de grao medio ou superior de artes plásticas e deseño, módulo profesional experimental de nivel II, nivel de ensinanzas deportivas ou un programa de cualificación profesional inicial.

2. O alumnado que conorra a esta convocatoria de axudas deberá rematar o período de formación práctica en centros de traballo antes do 31 de decembro de 2010.

3. Non poderá ter a condición de beneficiario das axudas previstas nesta orde o alumnado que incorra nalguna das circunstancias previstas no artigo 10.2º da Lei 9/2007, do 13 de xuño, de subvencións de Galicia.

##### Artigo 3º.-*Solicitudes.*

1. O alumnado que reúna os requisitos para participar nesta convocatoria presentará a seguinte documentación:

-Solicitud normalizada segundo o anexo desta orde.

-No caso de non dar o consentimento para a comprobación telemática do DNI ante o Ministerio da Presidencia, segundo establece o Decreto 255/2008, do 23 de outubro, fotocopia do DNI.

-Documento expedido pola entidade bancaria a nome da persoa beneficiaria, en que consten os datos da entidade e o código da conta en que desexa que se lle faga efectivo o pagamento.

2. De conformidade co artigo 13.4º da Lei 4/2006, do 30 de xuño, de transparencia e de boas prácticas

na Administración pública galega, a Consellería de Educación e Ordenación Universitaria publicará na súa páxina web oficial a relación de beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

Artigo 4º.-*Prazo e lugar de presentación de solicitudes.*

Convócanse dous períodos de presentación de solicitudes:

1. Primeiro prazo, 31 días naturais contados a partir do día seguinte ao da publicación desta orde no *Diario Oficial de Galicia*, para o alumnado que realice a FCT nos períodos outubro 2009-marzo 2010 e nos períodos xaneiro-xuño, xaneiro-marzo e abril-xuño de 2010. Todo o alumnado deste prazo deberá rematar o período da FCT antes do 31 de agosto de 2010. Tamén se acollerá a este prazo o alumnado matriculado no primeiro curso dun programa de cualificación profesional inicial no curso 2009-2010.

O alumnado que lle corresponda realizar a FCT no período de setembro-décembro de 2010 e que anticipase o período de FCT non se acollerá a este primeiro prazo.

2. O segundo prazo será o comprendido entre o 14 de outubro e o 14 de novembro de 2010, para o alumnado que lle corresponda realizar a FCT no período de setembro-décembro de 2010. Este alumnado deberá rematar obrigatoriamente o período de formación en centros de traballo antes do 31 de decembro de 2010. O alumnado que teña horario flexible con autorización da dirección xeral e remate despois do 31 de decembro de 2010 acollerase á seguinte convocatoria de axudas.

As solicitudes, xunto co resto da documentación requirida, poderanse presentar no centro onde o alumnado estea matriculado no momento de realizar a formación en centros de traballo.

##### Artigo 5º.-*Orzamento.*

1. O importe total das axudas económicas efectuarase con cargo ao concepto orzamentario 09.04.422M.480.0 dentro do exercicio orzamentario do ano 2010 da Dirección Xeral de Educación, Formación Profesional e Innovación Educativa, ata un importe máximo de 1.245.438,44 euros (un millón douscentos corenta e cinco mil catrocentos trinta e oito euros con corenta e catro céntimos). Esta contía poderá incrementarse na medida en que exista crédito adecuado e suficiente nos orzamentos do exercicio económico do ano 2010, de acordo co establecido no artigo 31.2º da Lei 9/2007, do 13 de xuño, de subvencións de Galicia.

Se a contía total da suma das solicitudes superase o crédito de que se dispón, queda autorizada a Dirección Xeral de Educación, Formación Profesional e Innovación Educativa para axustar proporcionalmente os importes solicitados por cada solicitante, de xeito que a suma total dos importes de todos os solicitantes de Galicia non supere a contía do crédito dispoñible.

Reservarase un 60% do orzamento para o primeiro prazo, un 40% para o segundo, e será acumulable o orzamento excedente da cada período para o seguinte.

## Artigo 6º.-*Contía da axuda e número de xornadas.*

### 1. Contía da axuda.

a) O alumnado que realice a FCT na modalidade A percibirá 5 € por xornada realizada.

b) O alumnado que realice a FCT na modalidade B percibirá unha axuda tendo en conta os criterios seguintes:

País	Contía base	€ por semana
Portugal	200 €	90
Francia, Reino Unido, Italia, Alemaña, Bélxica, Luxemburgo, Holanda, Romanía, Malta, Bulgaria, Irlanda	300 €	175
Dinamarca, Hungría, Austria, R. Checa, Eslovaquia, Eslovenia, Suecia, Finlandia, Estonia, Letonia e Lituania, Polonia, Grecia, Chipre	400 €	225

### 2. Número de xornadas.

O número mínimo de xornadas que se deben realizar para percibir esta axuda será do 80% das correspondentes a cada ensinanza.

O límite máximo de xornadas obterase dividindo entre oito o número de horas do módulo de FCT que lle corresponda realizar.

Para o alumnado que realice a FCT en xornada de horario flexible, segundo o artigo décimo cuarto, letra f) da Orde do 28 de febreiro de 2007, o máximo de xornadas será o correspondente ás da ensinanza que se curse e só será posible acollerse á orde de axudas que regule o período final das súas prácticas se estas se prolongan ao longo de máis dunha convocatoria de axudas.

O alumnado que realice a FCT fóra do territorio español e non complete o número total de horas do módulo de FCT do ciclo formativo correspondente deberá completar as restantes horas dentro do territorio español con anterioridade ou posterioridade.

## Artigo 7º.-*Documentación que tramitarán os centros.*

1. Os centros educativos utilizarán para a xestión destas axudas as aplicacións informáticas que determine e subministre a Consellería de Educación e Ordenación Universitaria e, ademais, proporcionaranlle á Dirección Xeral de Educación, Formación Profesional e Innovación Educativa todos aqueles documentos ou datos previstos nesta orde, nas distintas normas reguladoras do desenvolvemento da FCT ou nas instrucións remitidas aos centros.

2. A dirección do centro cargará os datos e tramitará todos os documentos a través da páxina web <http://www.edu.xunta.es/fct>, da cal se obterá unha listaxe provisional de todo o alumnado que solicítase axuda no seu centro. Esta listaxe provisional de solicitantes, coa indicación da contía que lle corresponde a cada alumno, asinada polo director e o secretario, deberá ser publicada no taboleiro de anuncios do centro o día seguinte ao do remate do prazo de presentación de solicitudes.

3. O centro abrirá un prazo de dez días naturais, contados a partir da publicación da listaxe provisional, para a presentación de reclamacións por parte dos solicitantes.

4. Rematado o prazo de reclamacións, a dirección do centro resolverá e elaborará unha listaxe definitiva de solicitantes, asinada polo director e o secretario, que fará pública no taboleiro de anuncios do centro.

5. O centro, a través do coordinador de FCT, unha vez finalizada a formación en centros de traballo, indicará na aplicación informática o alumnado que ten dereito á axuda.

6. Posteriormente, o director e o secretario certificarán a relación do alumnado que realizou as prácticas, cos importes que lle correspondan a cada un e o total. A dita certificación será enviada á Dirección Xeral de Educación, Formación Profesional e Innovación Educativa no prazo indicado nas instrucións que enviará aos centros a dirección xeral segundo se indica no artigo 8º, número 2).

## Artigo 8º.-*Envío de documentación.*

1. A dirección do centro enviará á Dirección Xeral de Educación, Formación Profesional e Innovación Educativa a seguinte documentación en papel:

- Solicitudes orixinais.
- Fotocopias do DNI, de ser o caso.
- Documentos expedidos polas entidades bancarias, previstos no artigo 3º desta orde.
- Declaracións xuradas complementarias, se é o caso, segundo dispón o artigo 11º desta orde.
- Certificación de realización das prácticas.

2. O prazo de envío da documentación será o indicado nas instrucións correspondentes a cada período de presentación de solicitudes. Para tal efecto a Dirección Xeral de Educación, Formación Profesional e Innovación Educativa enviaralles aos centros educativos e publicará na páxina web [www.edu.xunta.es/fct](http://www.edu.xunta.es/fct) as ditas instrucións.

## Artigo 9º.-*Adxudicación das axudas.*

Á vista das certificacións dos centros e do crédito dispoñible, a dirección xeral elaborará a correspondente proposta de adxudicación das axudas e enviaralla á persoa titular da Consellería de Educación e Ordenación Universitaria, que resolverá o que proceda e nos termos previstos no artigo 34 do Regulamento da Lei 9/2007, do 13 de xuño, de subvencións de Galicia, aprobado polo Decreto 11/2009, do 8 de xaneiro.

## Artigo 10º.-*Comunicación e publicación das axudas.*

1. Mediante orde da persoa titular da Consellería de Educación e Ordenación Universitaria publicarase o anuncio da exposición das listaxes definitivas das persoas beneficiarias, coa indicación da contía que lle corresponde a cada alumno, no *Diario Oficial de Galicia*. Contra esta resolución as persoas interesadas poderán interpoñer un recurso potestativo de reposición ante a persoa titular da Consellería de Educación e Ordenación Universitaria no prazo dun mes contado a partir do día seguinte ao da súa publicación no *Diario Oficial de Galicia*, de acordo co disposto nos artigos 116 e 117 da Lei 30/1992, de réxime xurídico das administracións públicas e do procedemento administrativo común, modificada pola Lei 4/1999, ou ben directamente un recurso contencioso-administrativo, no prazo de dous meses, ante o Tribunal Superior de Xustiza de Galicia, consonte co

artigo 46 da Lei 29/1998, do 13 de xullo, reguladora da xurisdicción contencioso-administrativa.

2. Os interesados poderán entender desestimadas as solicitudes de non se ditar resolución expresa no prazo de seis meses contados desde o día seguinte ao do remate do prazo de solicitudes.

*Artigo 11º.-Pagamento das axudas.*

1. As axudas faranse efectivas nun só pagamento directamente á persoa beneficiaria, a través da conta bancaria indicada para tal efecto.

2. O beneficiario presentará no centro, no momento da finalización da FCT, unha declaración complementaria do conxunto das axudas solicitadas, tanto as aprobadas ou concedidas como as pendentes de resolución, para a mesma finalidade, das distintas administracións públicas competentes ou das súas entidades vinculadas ou dependentes.

3. O beneficiario está obrigado a comunicarlle á entidade concedente ou, se é o caso, á entidade colaboradora, a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan axiña como se coñeza, e en todo caso con anterioridade á xustificación da aplicación dada aos fondos percibidos.

*Artigo 12º.-Compatibilidade das axudas.*

Estas axudas son compatibles con outras de carácter xeral, aínda que o importe total recibido nunca poderá superar illadamente ou en concorrencia con subvencións ou axudas doutras administracións públicas ou doutros entes públicos ou privados, nacionais ou internacionais, o custo da actividade subvencionada.

*Artigo 13º.-Perda das axudas.*

1. A falsidade dos datos ou falsificación dos documentos que se presenten, calquera que sexa o momento en que se demostre a inexactitude, terá como consecuencia a perda de todos os dereitos dos solicitantes que incorran en tal situación e a devolución total da contía percibida, ademais das responsabilidades que procedesen, seguindo o procedemento establecido no artigo 77 e seguintes do citado Regulamento da Lei 9/2007, de subvencións de Galicia.

2. Calquera alteración das condicións tidas en conta para a concesión da subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da resolución de concesión.

*Artigo 14º.-Obrigas dos beneficiarios.*

1. O beneficiario está obrigado ao reintegro, total ou parcial, da subvención ou da axuda pública percibida no suposto de incumprimento das condicións establecidas para a súa concesión, logo do procedemento establecido no artigo 77 e seguintes do citado Regulamento da Lei 9/2007, de subvencións de Galicia.

2. O beneficiario está obrigado a facilitar toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas, no exercicio das súas funcións de fiscalización e control que lles correspondan.

*Artigo 15º.-Adaptación.*

Esta orde adaptación ás normas que lle son aplicables da Lei 9/2007, do 13 de xuño, de subvencións de Galicia, así como ás que figuran no Regulamento desta lei, aprobado polo Decreto 11/2009, do 8 de xaneiro.

*Disposición adicional*

Para os efectos do disposto na disposición adicional do Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, as persoas solicitantes deberán autorizarlle expresamente á Administración outorgante a inclusión e publicidade nos rexistros regulados no citado decreto dos datos básicos relevantes referidos ás axudas recibidas.

A reserva que o peticionario poida facer no sentido de non autorizar a obtención de datos ou a publicidade dos datos nos rexistros, que en todo caso terá que se expresar por escrito, poderá dar lugar á exclusión do proceso de participación para obter a axuda ou, noutro caso, á revogación do acto de outorgamento e, se procede, ao reintegro do importe concedido, segundo dispón o número 2 da citada disposición adicional.

De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a consellería publicará na súa páxina web oficial a relación dos beneficiarios, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

*Disposicións derradeiras*

*Primeira.-Habilitación normativa.*

Facúltase a persoa titular da Dirección Xeral de Educación, Formación Profesional e Innovación Educativa para adoptar os actos e medidas necesarias para a aplicación desta orde.

*Segunda.-Réxime de recursos.*

Contra esta orde as persoas interesadas poderán interpoñer un recurso potestativo de reposición ante a persoa titular da Consellería de Educación e Ordenación Universitaria no prazo dun mes contado a partir do día seguinte ao da súa publicación no *Diario Oficial de Galicia*, de acordo co disposto nos artigos 116 e 117 da Lei 30/1992, de réxime xurídico das administracións públicas e do procedemento administrativo común, modificada pola Lei 4/1999, ou ben directamente un recurso contencioso-administrativo, no prazo de dous meses, ante o Tribunal Superior de Xustiza de Galicia, consonte co artigo 46 da Lei 29/1998, do 13 de xullo, reguladora da xurisdicción contencioso-administrativa.

*Terceira.-Entrada en vigor.*

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 3 de maio de 2010.

Jesús Vázquez Abad  
Conselleiro de Educación e Ordenación  
Universitaria



**XUNTA DE GALICIA**  
CONSELLERÍA DE EDUCACIÓN  
E ORDENACIÓN UNIVERSITARIA

ANEXO

PROCEDEMENTO <b>AXUDAS ECONÓMICAS PARA A FORMACIÓN PRÁCTICA EN CENTROS DE TRABALLO</b>	CÓDIGO DO PROCEDEMENTO <b>ED202A</b>	DOCUMENTO <b>SOLICITUDE</b>
---	---	--------------------------------

## DATOS DO/A SOLICITANTE

APELIDOS		NOME		NIF	
ENDEREZO		PROVINCIA		CONCELLO	
LOCALIDADE	CÓDIGO POSTAL	TELÉFONO	FAX	CORREO ELECTRÓNICO	

## ESTUDOS QUE REALIZA E AXUDA QUE SOLICITA

CÓDIGO DA ENSINANZA		DENOMINACIÓN DA ENSINANZA			
Nº DE XORNADAS		CONTÍA AXUDA		CONTÍA TOTAL	
ESPAÑA	UNIÓN EUROPEA	ESPAÑA	UNIÓN EUROPEA	ESPAÑA	UNIÓN EUROPEA
		CONTÍA BASE	€ POR SEMANA		

## DATOS BANCARIOS

ENTIDADE	OFICINA	DC	NÚMERO DE CONTA	O/A solicitante deberá ser necesariamente titular ou cotitular da conta; non esqueza achegar certificación a este respecto da entidade bancaria.
----------	---------	----	-----------------	--

## CERTIFICACIÓN DO CENTRO EDUCATIVO

D/D<sup>a</sup> \_\_\_\_\_ director/a / inspector/a do centro  
 \_\_\_\_\_ código do centro \_\_\_\_\_, localizado en \_\_\_\_\_  
 provincia de \_\_\_\_\_ certifico: que o/a alumno/a está matriculado/a neste centro e nos estudos para os que solicita axuda e que os datos que figuran neste impreso foron cotexados cos documentos correspondentes. En consecuencia, está conforme con esta solicitude.

(\*) O/A director/a / O/A inspector/a

Nos centros públicos, a conformidade do/a director/a do centro.  
 (\*) Nos centros privados con ensinanza concertada, o/a inspector/a correspondente.

Selo

## DECLARACIÓN DO CONXUNTO DE AXUDAS SOLICITADAS OU CONCEDIDAS PARA A MESMA FINALIDADE

O/A alumno/a \_\_\_\_\_, con NIF \_\_\_\_\_ declara baixo a súa responsabilidade:

Non incumpre as condicións sinaladas no número 2º do artigo 10 da Lei 9/2007 para ser beneficiario desta axuda.

Que non percibe ningunha axuda das diferentes administracións públicas e competentes polo mesmo ou similares conceptos para os cales se formula esta solicitude.

As únicas axudas que percibe son as seguintes:

\_\_\_\_\_

Dou expresamente o meu consentimento para a comprobación telemática do DNI ante o Ministerio da Presidencia segundo o Decreto 255/2008, do 23 de outubro, polo que se simplifica a documentación para a tramitación dos procedementos administrativos e se fomenta a utilización de medios electrónicos.

SI  NON (No caso de non dar esta autorización debe anexar copia do DNI)

De conformidade cos números 3º e 4º do artigo 13 da Lei 4/2006, do 30 de xuño, de transparencia e de boas prácticas na Administración pública galega, e co previsto no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006, a consellería publicará no *Diario Oficial de Galicia* e na súa páxina web oficial a relación dos beneficiarios e o importe das axudas concedidas ao abeiro desta orde; e incluírá igualmente as referidas axudas e as sancións que, como consecuencia delas, puideren impoñerse, nos correspondentes rexistros públicos, polo que a presentación da solicitude leva implícita a autorización para o tratamento necesario dos datos persoais dos beneficiarios e a referida publicidade.

## LEXISLACIÓN APLICABLE

*Orde do 3 de maio de 2010 pola que se convocan axudas económicas para o alumnado que realiza formación práctica en centros de traballo.*

SINATURA DO/A SOLICITANTE OU PERSOA QUE O/A REPRESENTA

## (Para cubrir pola Administración)

RECIBIDO

REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA